

# ПЯТАЯ СЕДМИЦА СВЯТАГО ВЕЛИКАГО ПОСТА

## Пяток пятыя седмицы. На шестом часе.

### Тропáрь прорóчества, глас 8:

Препéтый еси́, Христé Бóже наш, поколебáяй зéмлю, за ёже обратíti и спасти́ живúщия на ней, и пáки утверждáяй ю́ за Свою́ блáгость и неизречéнное благоутрóбие, моли́твами Богородицы помíлуй нас.

**Слава, и ныне: тойже.**

### Прокíмен, глас 4:

Мíлость и суд / воспою́ Тебé, Гóсподи. **Стих:** Пою́ и разумéю в пути́ непорóчне.

Пс 100:1, 2А

### Прорóчества Исáиина чтéние.

Тáко глаголет Господь Бог, Святы́й Изра́илев, Сотворивый грядúщая, вопросите Менé о сынéх Моих, и о дщéрех Моих, и о дéлех руку́ Моёю заповéдите Мне. Аз сотвори́х зéмлю и челове́ка на ней, Аз рукою́ Моёю утверди́х нéбо, Аз всем звезда́м заповéдах. Аз возста́вих Егó с правдою́ царя́, и вси пути́е Егó правы. Сей сози́ждет град Мой, и пленéние людéй Моих возврати́т, не по мзде, ни по дарóм, рече́ Господь Савао́ф. Тáко глаголет Господь Савао́ф: утрудíся Егíпет, и кúпли Ефио́пския, и Саваймстии мúжи высóцки к тебе́ прéйдут, и тебе́ бúдут раби́, и в след тебе́ пойдут связа́ны у́зами ручны́ми, и прéйдут к тебе́, и поклóнятся тебе́, и в тебе́ помóлятся, я́ко в тебе́ Бог есть, и рекúт: несть бо́га разве́ Тебе́. Ты бо еси́ Бог и не ве́дехом, Бог Изра́илев Спас. Посты́дятся и посра́мятся вси протíвлящиися е́му, и пойдут в студé, обновля́йтесь ко Мне óстро́ви. Изра́иль спаса́ется от Гóспода спасéнием вéчным, не посты́дятся, ни посра́мятся да́же до вéка ктомú.

Ис 45:11–17

### Прокíмен, глас 4:

Гóсподи, услы́ши моли́тву мою́, / и вопль мой к Тебé да приидет. **Стих:** Не отврати́ лица́ Твоегó от мене́.

Пс 101:2, 3А

## Пяток пятыя седмицы. На вечерни.

### Прокíмен, глас 4:

Щедр и мíлостив Господь, / долготерпели́в и многомíлостив. **Стих:** Благослови́, душе́ моя́, Гóспода, и вся́ внúтренняя моя́, ймя́ свято́е Егó.

Пс 102:8, 1

### 1. Бытия́ чтéние.

Бысть по глаго́лех сих, Бог искуша́ше Авраáма и рече́ е́му: Авраáме, Авраáме. И рече́: се аз. И рече́: пойми́ сы́на твоегó возлю́бленнаго, егóже возлю́бил еси́, Исаáка, и иди́ на зéмлю

высоку, и вознеси его тамо во всеожжение, на едину от гор, ихже ти реку. Востав же Авраам утро, оседла ослия свое, поят же с собою два отрочища, и Исаака, сына своего, и растний дрова во всеожжение, востав иде, и прииде на место, еже рече ему Бог, в третий день. И возрев Авраам очима своими, виде место издалече. И рече Авраам отроком своим: сядите zde со ослыем, аз же и детищ пойдем до онде, и поклонившися возвратимся к вам. Взя же Авраам дрова всеожжения, и возложи на Исаака, сына своего; взя же в руки и огонь, и нож, и идоста оба вкупе. Рече же Исаак ко Аврааму, отцу своему: отче. Он же рече: что есть, чадо? Рече же: се огонь и дрова, где есть овча еже во всеожжение? Рече же Авраам: Бог узрит Себе овча во всеожжение, чадо. Шедше же оба вкупе, приидоста на место, еже рече ему Бог, и созда тамо Авраам жертвенник, и возложи дрова, и связав Исаака, сына своего, возложи его на жертвенник верху дров. И простре Авраам руку свою взяти нож, заклати сына своего. И возва и Ангел Господень с небесе и рече: Аврааме, Аврааме. Он же рече: се аз. И рече: да не возложиши руки твоея на отрочища, ниже да сотвориши ему что, ныне бо познах, яко бойшися ты Бога, и не пощадел еси сына твоего возлюбленнаго Мене ради. И возрев Авраам очима своими виде, и се овен един держимый рогама в саде савек. И иде Авраам, и взя овна, и вознес его во всеожжение вместо Исаака, сына своего. И нарече Авраам имя месту тому: Господь виде, да рекут днесь, на горе Господь явися. И возва Ангел Господень Авраама вторичею с небесе, глаголя: Мною Самем кляхся, глаголет Господь, егже ради сотворил еси глагол сей, и не пощадел еси сына твоего возлюбленнаго Мене ради. Войстинну благословя благословлю тя, и умножая умножу семя твое, яко звезды небесныя, и яко песок вскрай моря, и наследит семя твое грады супостатов. И благословятся о семени твоём вси языцы земнии, занеже послушал еси гласа Моего.

Быт 22:1–18

#### Прокимен, глас 4:

Яко возвеличишася дела Твоя, Господи, / вся премудростию сотворил еси. Стих: Благослови, душе моя, Господа, Господи Боже мой, возвеличился еси зело.

Пс 103:24А, 1А

#### 2. Притчей чтение.

Братия в нуждах полезни да будут, сего бо ради раждаются. Муж безумен плещет и радуется себе, якоже поручаяйся испоручит друга своего, на своих же устнах огонь сокровищствует. Грехолюбец радуется сваром, а жестокосердый не усрящет благих. Муж удобопредложный языком, впадёт в злая, сердце же безумнаго болезнь стяжавшему е. Не веселится отец о сыне ненаказаннем, сын же мудр веселит мать свою. Сердце веселящееся благоиметися творит, мужу же печальну засышут кости. Приемлющему дары неправедно в недра не предупревают путие, нечестивый же уклоняет пути правды. Лице разумно мужа премудра, очи же безумнаго на концах земли. Гнев отцу сын безумен и болезнь рождшей его. Тщеты творити мужу праведну не добро, ниже преподобно наветовати властем праведным. Иже щадит глагол произнести жесток, разумен, долготерпеливый же муж премудр, лучше ищущаго науки. Несмысленному вопросившу о мудрости, мудрость вменится, нема же кто себе творит, возмнится разумен быти. Вини ищет муж хотя отлучитися от других, на всякое же время поносимь будет. Не требует премудрости муж скудоумен, зане паче водится безумием. Егда приидет нечестивый во глубину зол, нерадит, находит же ему безчестие и поношение. Вода глубока слово в сердце мужа, река же изскачущая и источник жизни. Чудитися лицу нечестиваго не добро, ниже преподобно уклоняти праведное на суде.

Притч 17:17–28; 18:1–5